

Autoridade Bancária e de Pagamentos de Timor-Leste

Banking and Payments Authority of Timor-Leste

Av^a Bispo Medeiros, PO Box 59, Dili, Timor-Leste
Tel. Nº (670) 3 313 718, Fax. Nº (670) 3 313 716

KOMUNIKASAUN BA MEDIA

TRATAMENTO RESULTADU FUNDUS PETROLEIU NIAN

Foin lalais iha relatoriu neé be fó sai husi media kona ba alegasaun “osan lakon” iha fundus petroleu. Iha *headline* ida hateten: “Fundus petroleu lakon \$5.8 miliaun iha tinan ida nia laran”. Mensagem iha relatoriu neé hamosu interpretasaun katak Fundu Petroleu lakon tamba resultadu husi jestaun neé be ladiak, mesmuk husi ABP, Ministra Planu no Finansas, Komite Asesosia ba Investimentu, ou tamba resultadu husi failansu Akordu Jestaun Operasional.

ABP fiar katak deklarasaun neé la refleta resultadu aktual neé be fundus petroleu hetan, no numiru sira nebe cita la hatudu jestaun neé be sala (*mismanagment*) husi autoridades nebe resposabliza atu determina politika investimentu ou nebe resposabliza ba investimentu fundu petroleu.

Atu ajuda publiku hatene diak liu tan, ABP prepara tiha ona Nota Introdutoriu ida hó título “Valuasaun no Relatoriu Financeiru husi Investimentu iha Obrigasoens Governu nian” nebe esklaresse konseitus balun assosiadu ho Investimentu Fundu Petroleu iha Obrigasoens Governu Estadus Unidus nian.

Nota Introdutoriu née esplika oinsa kustu sosa obligasaun ida iha merkadu quaze sertu diferensa husi nia valor nominal, neé be to’o data maturidade nia valor sempre hanesan ho valor nominal. Diferensia mak funsaun husi taxa de juru merkadu no taxa kupaun husi obligasaun nee, no rekunhese hanesan parte rendimentu durante tempu nee iha prosesu ida hanaran amortizasaun. Karik obligasaun ida sosa ho folin menus liu husi valor naminal, sei resulta amortizasaun nebe positivu. Amortizasaun mosu tamba resultadu husi matematika merkadu obligasaun nian, no laos indikasaun katak Fundu ne maneija ho diak ou lae.

Nota nee mos esplika metodu nebe apropiadu liu atu halo evaluasaun ba jestaun portefoliu obligasaun ida laos atu estuda deit montante husi amortizasaun, maibe oinsa atu halo komparasaun ho rezultadus financeiru nebe atinje ho indise referencia. Relatorius Trimestrais Fundu Petroleun nian contiudu ho informasoens sira nebe publiku bele halo evaluasaun regular ba desempenhu iha base ida nee.

Rendimentu Fundu Petroleu ba tinan rua kotuk quaze hanesan ho Indise Referensia determina husi Ministra Planu no Finansas. Successu ida nee hetan komentariu favorabel husi agensias finanseiru internasionais hanesan FMI ho Baku Mundial.

Nota Intodotoriu bele download husi situ ABP nian <http://www.bancocentral.lt/PF/Otherpub.asp>.

Karik precisa tan informasaun adisional ruma bele kontaktu:

Venancio Alves Maria

Diretor Ezekutivu

Departamentu ba Jesstaun Fundu Petroleu nian

Autoridade Bankaria no Pagamentus Timor-Leste nian

Tlf: 670 331 3718

Dili, 5 Setembru 2007